


Labudovi na Savi



Nakon informacije da su pronađena dva mrtva labuda nedaleko od Donjeg Svilaja prema Novom Gradu, pomislili smo da je riječ o odstrijeljenim labudovima, što je još više zabrinulo rukovodstvo Lovačkog društva "Fazan" iz Odžaka.

Ova je zima, s niskim temperaturama i veoma obilnim padavinama, za posljedicu imala pravu najezdu divljih patki i drugih plovki na područje gdje gospodari odžačko lovačko društvo.

Dolazak nekoliko jata labudova, koji su svoje stanište našli na ovdašnjim prostorima, oduševio je lovce i druge ljubitelje prirode. Razlog je očigledan, a to je sliv rijeka Save i Bosne, s jedne strane, te bara Starača, koja se proteže dvanaestak kilometara do ulijevanja u Savu. Ta bara ima svoja izvorišta, a samim tim i nešto višu temperaturu vode te je mala mogućnost da se zaleđi, što u ovom slučaju odgovara labudovima.

Posebnu pozornost i znatiželju okolnog stanovništva izazvao je par labudova koji su



za svoje obitavalište odabrali baš Staraču. Svakodnevno se smjenjuju grupe roditelja koji svoju djecu dovode da vide ove lijepe ptice, njihovo graciozno držanje i plivanje, te pitomost.

Nedoumicu o mrtvim labudovima otklonio je jedan preparator divljači koji je, prilikom guljenja uginulih ptica, utvrdio da one nisu odstrijeljene nego su imale ozljede na vrhovima krila zbog kojih nisu mogle letjeti. Ozlijeđene ptice upale su u mreže i setke kojih je na ovim rijekama na pretek.

Kao uspomena i sjeta na divne primjerke labudova, koji su neslavno završili, bit će njihovo prepariranje, a oni će krasiti prostorije lovačke kuće u Odžaku. *Pero Agatić*

